

一凡藏書館文獻編委會編

古代鄉約及 鄉治法律文獻十種

第三冊

黑龍江人民出版社

一凡藏書館文獻編委會編

古代鄉約及

鄉治法律文獻十種

第三冊

黑龍江人民出版社

D920.9
51 3

ISBN 7-207-06836-0



9 787207 068361 >

圖書在版編目(CIP)數據

古代鄉約及鄉治法律文獻十種 / 一凡藏書館文獻編委會編·

—影印本·—哈爾濱：黑龍江人民出版社，二〇〇五·一二

ISBN 7-207-06836-0

I. 古… II. 一… III. 法律—文獻—彙編—中國—古代

IV. D 920.9

中國版本圖書館CIP數據覈字(二〇〇五)第一三六一九九號

責任編輯：姜海霞

版式设计：房大洪

古代鄉約及鄉治法律文獻十種

—凡藏書館文獻編委會編

出版發行 黑龍江人民出版社

通訊地址 哈爾濱市南崗區宜慶小區一號樓

郵 編 一五〇〇〇八

網 址 www.jongpress.com E-mail: jmcbs@yeah.net

印 刷 北京市藝輝印刷有限公司

開 本 七八七×一〇九二毫米 一十六開本 印張一一·八·七五 插頁六

印 數 一—五〇〇套

版 次 二〇〇五年十二月第一版 二〇〇五年十二月第一次印刷

書 號 ISBN 7-207-06836-0 / D·875

定價：共三冊 一一五〇圓

(如發現本書有印製質量問題，印刷廠負責調換)

〔清〕佚名編 清同治年間刻本

現行鄉約

不分卷（下）

具稟舉人鄭經

試用訓導章第榮生員莊俊職員朱啟誠等

為申明鄉約規條籲懇加札頒行以重措施而廣化
導事竊惟仁民之政無過教養兩端致治之原莫若
官民一體我

國家深恩厚澤二百數十年矣薄賦輕徭加之振貸養
民之道既詳且備至於教亦多術道不虛行日久因
循徒存文具如我

世宗憲皇帝頒發

聖諭廣訓飭下順天府王城各直省督撫學政責成地方學

校各官認真講解迨我

宣宗成皇帝特命詞臣推闡黜異端以崇正學一條撰成韻
丈頒行各省隨時宣講端人心而善風俗莫有善於
此者如果郡縣實力舉行俾士庶軍民均知正學卽
異端邪教何由而起近年髮捻逆匪相繼弄兵構亂
其始皆創邪教蠱惑人心煽聚日多遂至燎原難遏
目前大憝元惡雖就剪除而伏孽未能盡拔實為世
道之憂舉人等蒿目棘心志存禁遏前於咸豐五年
會合同志稟明各大憲舉行鄉約遵奉

朝廷之意博採儒先之書刊立規條編成講案士民觀感奮興莫不鼓舞從事此十數年蘇常兩郡百姓惑於邪說者較少雖無撥亂反正之功實有默化潛移之効惟是舉人等心有所窮力不及遠非無賢良守令躬親董勸相與有成亦以拘於地分不能風動四方伏惟

中堂爵督憲旋乾轉坤功在社稷德孚民信當代一人既有移風易俗之全謨必以崇正黜邪為首務稔知救時心切甚於國醫斯時久病之民培元氣以祛

邪沴宜莫有善於鄉約者舉人等嘗讀伏湛傳矣見其於軍興擾攘之時汲汲行鄉飲酒禮初未嘗不笑其迂及建武之初宿衛談經小侯鄉學師儒輩出節義成風則知習俎豆之容正以靖干戈之氣一時禮樂彬彬未始非伏傳開其先也我

中堂爵督憲行垂世範明察幾先信萬方所具瞻得一言以為重用敢齋呈鄉約規條一百本仰求札發各州縣一體實力推行庶習俗日端民心益奮不至為邪說所惑此則孟子之功不在禹下明德之

所及者大且遠也並聞京師五城自前年至今亦已
按期宣講倘蒙

憲臺於入覲之時奏明請

旨飭令各省舉行以復舊章而倡正學又舉人等所深望
而不敢請者曷勝悚感激切之至

計附呈現行鄉約規條一百本

舉人鄭經等稟送鄉約百本請札發各屬實力推行
據稟已悉宣講

聖諭載諸通禮本古人懸書讀法之義喪亂以來斯典浸廢

該舉人等自咸豐五年卽糾合同志編刊鄉約條規
於型方訓俗用心已屬正大所采呂王高鄆諸先正
遺規亦極精當十餘年來黜邪崇正之心久而彌篤
可謂樂善不倦矣候將所呈現行鄉約百本札飭各
府分發州縣實力舉行以副該舉人等反經望治之
意七月二十一日

恤災說

天災者氣數之所為聖世不能免也堯之洪水湯之久旱其已事已與其憫已然之災補救於後曷若防未然之災消弭於前夫人心之與天心固息息相通而天事之與人事亦心心相印人心陷溺而失其正則水災應之人心熒惑而改其常則火災應之浮動之極為亂機其應為兵端陰忍之極為險機其應為邪教天之降災有不盡由於氣數者堯因水而求賢湯因旱而罪已盡人事以挽天心不敢委之於氣數惟是消弭之道與補救之方意其時必有

節目焉或者書闕有間今不可得而詳矣今某師渡江而
來同人侍坐之次所議有三事焉曰舉鄉約曰修鐵塔曰
恤水災三事不同其於消弭補救則同也大都消弭之道
莫要於牖人心正可辟邪常可制變宜講習於無災之時
導其善念堅其恒心漸使邪不干正變不擾常

聖朝教養兼施如鄉約者洵久安長治之善策也補救之道莫
要於修人事靜以鎮動陽以勝陰宜探討於有災之地相
其山川理其水土必使動不撓靜陰不汨陽古人制作如
神如鐵塔者又潛移默運之勝跡也然則道人振鐸魏闕懸

鄉約辨正記

咸豐乙卯年丙戌月朔鄭經等伏讀

上諭飭直省府廳州縣舉行鄉約久愍奉

學憲檄飭通行 邑侯率紳士講生等整肅同詣講所先行三跪九叩首禮恭謁

龍牌 邑侯坐階右講生登臺恭讀

聖諭畢謹遵

聖訓剴切宜講鄉約一時耆老衆庶竦然歡然講畢仍行禮各退
邑侯回署各董仍集精舍共議推廣教化事宜斯時常熟

朱啓誠無錫徐瑤本邑鄭經趙銘普周賡良章第榮常大元咸在座正彙議間忽有客自外入若不釋於懷者逡巡而揖曰鄉約之制昉於周代道人木鐸警衆以時我

朝文教昌明尊隆學校

聖祖仁皇帝頒發

聖諭十六條

列聖相承欽頒廣訓直解暨四言韻文是三代之隆治化民之宏綱也承平日久細民不加脩省尙有一一愚頑每於聽講之餘復生浮議其故何哉答曰鄉約正爲若輩講也人雖

至愚各具天良未明其理遂爾蒙蔽願子殫述所聞余當
辨正 客曰聽者云鄉約固爲良法其實皆迂夫之言也
答曰當此塵氛未靖之時人心風化實爲至急行鄉約
所以正人心維風化也謂爲迂者聞鄉約之言觸耳刺心
以爲動多束縛者有之高視濶步以爲不切時務者有之
畏難苟安以爲未能獲效者有之抑知人心之所以不古
風化之所以不淳正爲欠一迂字耳迂則端方端方則不
作歧邪之想迂則拘謹拘謹則不入放僻之途議者以鄉
約爲迂而不易行講鄉約者當力求爲迂而必欲行以迂

化人之不迂使不迂者皆化爲迂則鄉約行而世無以爲迂者矣況

聖諭諄諄皆本古聖賢之道德仁義以立言而議者猶以爲迂其居心果何若哉 聽者云當今時務理以習武爲先團練保衛除暴安良方爲至要 答曰團練保衛人人知爲急務夫團練之用在人之身團練之體在人之心保衛之名立於平日保衛之實驗於臨時則宜以鄉約爲之默助也蓋團練其身必須團練其心鄉約所以固團練之心也保衛有名必須保衛有實鄉約所以求保衛之實也誰謂團